



Broj: 01-4-4746/18

Dana: 28.11.2018. godine

Predmet: Obavijest

U okviru regulatornih aktivnosti Agencije za bankarstvo Federacije Bosne i Hercegovine (u daljnjem tekstu: Agencija) izvršena je dopuna važećih regulatornih zahtjeva u pogledu internog procesa procjene adekvatnosti likvidnosti banke (u daljnjem tekstu: ILAAP) i informisanja, odnosno izvještavanja Agencije o ILAAP-u za potrebe provođenja procesa supervizorskog pregleda i procjene (SREP-a). Polazna osnova je bila Odluka o internom procesu adekvatnosti kapitala u banci („Službene novine FBiH“ broj 81/17), te Smjernice o izvještavanju Agencije za bankarstvo Federacije Bosne i Hercegovine o primjeni ICAAP-a u banci, čiji su sastavni dijelovi Izvještaj o primjeni ICAAP-a i prateće Upute za popunjavanje Izvještaja, kao i obrasci koji se odnose na sektorsku i individualnu koncentraciju (u daljnjem tekstu: Smjernice), koje je u skladu sa članom 17. pomenute Odluke donio direktor Agencije 22.12.2017. godine, kao i odredbe Odluke o upravljanju rizikom likvidnosti banke koje se odnose na definisanje i propisivanje minimalnih kvalitativnih zahtjeva za upravljanje rizikom likvidnosti, odnosno ILAAP-a, kao i relevantne odredbe Odluke o upravljanju rizicima u banci („Službene novine FBiH“ broj 81/17).

Navedene aktivnosti rezultirale su utvrđivanjem nacрта Odluke o internom procesu procjene adekvatnosti kapitala i internom procesu procjene likvidnosti banke, koja bi zamijenila Odluku o internom procesu adekvatnosti kapitala u banci, a istovremeno je na isti način pripremljen i nacrt Smjernica.

Nacrti navedenih akata objavljuju se na službenoj web stranici Agencije, u okviru glavnog menija u rubrici „Propisi u pripremi“, a za potrebe provođenja javne rasprave putem Udruženja banaka Bosne i Hercegovine (u daljnjem tekstu: UBBiH).

Planirano je da se javna rasprava okonča do 10.12.2018. godine, što podrazumijeva da UBBiH objedini i sistematizira pitanja od zajedničkog interesa za bankarski sektor i dostavi ih Agenciji u pisanom obliku putem jedinstvenog akta UBBiH.

Napominjemo da u ovoj fazi nije provedena procedura redakture i lektorisanja nacрта navedenih akata.